

傳信尤易方八

图书在版编目 (CIP) 数据

传信尤易方 / (明) 曹金辑. - 北京: 中医古籍出版社, 2003.1

ISBN 7-80174-089-0

I. 传… II. 曹… III. 方书-中国-明代
IV. R289.2

中国版本图书馆CIP数据核字 (2002) 第042317号

傳信尤易方

作者 [明] 曹金 輯

出版發行 中醫古籍出版社

北京東直門內北新倉十八號 郵編 100070

責任編輯 伊廣謙

經銷 全國各地新華書店

印刷 杭州蕭山古籍印務有限公司

版次 二〇〇三年一月第一版第一次印刷

印數 一五〇套

書號 ISBN 7-80174-089-0/R·089

定價 五六〇圓

傳信尤易方卷之八

嬰孩門

治小兒合殼症初生小兒肛門爲脂皮所塞人多不知名爲草迷氣下不通故上無啼聲急用簪透通谷道其聲即出

治初生小兒產下有皮膜如榴中膜裹或過舌根可以指刺破令血出飛過白礬細研傳之半菜豆許若不摘去兒必啞

本草方

治小兒初生落草不作聲者取冷水灌之須臾自當啼及以葱白細鞭之即啼

易州醫官鄭廷臣校閱
涇陽醫士王可校正

治小兒初生用硃砂細研以蜜調塗口中令吮之良

本草
集要

治小兒初生下即死用法可救活急看兒口中懸癰

前腭上有胞以手指摘破用帛捏拭血令淨若血

未出即不可治

本草
集要

治小兒初生大小便不通腹脹欲絕者急令婦人溫
水漱口了啞兒後心并臍下手足共七處每一處
凡三五次漱口吸啞取紅赤爲度須臾自通不爾
無生意有此症遇此法可謂再生

治小兒初生不飲乳及大小便不通用葱白一寸破

作四界以乳汁於砂鉢內煎灌之立效

治小兒初生口噤不開用赤足蜈蚣一條去足炙令焦細研爲末每用半錢以豬乳汁半錢和勻分三四次灌之

治小兒口噤不乳用蟬蛻十四枚去嘴足全蝎十四箇去毒右爲極細末入輕粉少許和研用乳汁調化服

治初生小兒至七日口噤以牛黃少許細研淡竹瀝調下一字灌之更以豬乳點口中瘡

治小孩初生三日去驚邪辟惡氣牛黃一大豆許細研

以赤蜜酸棗許熟研以綿蘸之令兒吮之令盡一

服

姚和衆方

治小兒口禁不開者用生天南星去皮臍研為極細末龍腦少許和合以指蘸生姜汁於大牙根上搽立開

治小兒卒中風口禁不下一物取雀屎如麻子丸之飲下即愈鷄屎白亦佳

治小兒口中涎出不止以白羊糞入口中即止

治小兒撮口病取夜合花枝濃煎汁拭口并洗妙

子母

秘錄

○又方用鹽豆豉臍上艾炙之

子母秘錄

治小兒撮口及發噤甘草細剉水煎服之令吐痰涎
後乳食之○又方用晚蠶蛾為末二枚炙令黃為

末蜜和傅兒口舌內

簡要
濟衆

治小兒臍風撮口用白殭蚕炒去系嘴研末每服一
二分姜汁調抹口內乳汁送下蜜和付口中亦好

救民
易方

治小兒未滿月驚着似中風欲死者用硃砂以新汲
水濃磨汁塗前後背心上立瘥

斗門方

治小兒重舌舌上生瘡涎出以蒲黃傅之三五度良
千金○又方用鹿角末細篩塗舌下日三度

姚和
衆方

治小兒卒重舌用金下土酒和塗舌下子母秘錄

治小兒舌腫羊乳汁飲之瘡千金方

治小兒重舌用蜂房燒灰細研酒和膏傳兒舌下日

三四次用之

治小兒重舌欲死以亂髮燒灰細研半錢傳舌下日

不住用之簡要濟衆

治小兒臍風濕以鹽二兩豆二合相和爛搗捏作餅

子如錢大安新瓦上炙令熟以熨臍上瘡亦用黃

栢末傳之聖惠方

治小兒臍瘡久不瘡用馬齒莧搗汁傳之○又方用

伏龍肝為末傅之

聖惠方

○又方用龍骨燒灰細

研傅之

聖惠方

治小兒臍風瘡久不瘥當歸末傅之良

子母秘錄

治小兒臍瘡不合用黃栢末塗之

治小兒臍腫用桂心炙令熱熨之日可四五度即消

姚和衆方

○又方先煎荊芥水洗了取葱葉一片

火上炙過地上出火氣以指甲刮薄內搭放腫處

次日便消

治小兒臍中汁出不止并赤腫用礬石飛過細研傅

之

聖惠方

治小兒臍赤杏仁杵如脂傅臍患處子母秘錄○又

方用杏仁杵如脂納體中相和傅臍腫上

治小兒初出遍身無皮俱是赤肉掘土坑臥一宿即
長皮○又方用白早米粉乾撲於上候皮生乃止

治小兒牙關不開用天南星煨熟紙裹末要透氣將
南星斜角取一豆大安兒鼻孔中須臾牙關立開
譚氏方

治小兒重腭重齒腫痛燒蛇蛻末傅之效

治小兒初生七日若有臍風必自發出青筋一道行
至肚却生兩岔待行至心不治必死知者常視其

青筋初發速照青筋頭上灸三壯或行至生兩岔處頭上截灸六壯青筋自消兒必活矣○又方小兒初生七日急患臍風撮口百無一活父母坐視其死而無救良可憫哉一秘法極有神效世罕知之凡兒患此者齒齦之上有小泡子如粟米狀急以溫水蘸青熟綿裹手指輕擦破即開口便安不用服藥

以上涇陽醫士王玘方

治小兒五軟用白殭蚕不拘多少為細末三歲兒每服半錢薄荷酒下

治小兒顙門陷下不平滿用黃狗頭骨炙黃為末鷄

子調傳備急方

治小兒顙門不合用防風一兩半栢子仁白芨各一兩為末以乳和傅顙上日一十日知二十日愈
治小兒頭骨縫開不合名曰解顙用蛇蛻炒焦為末用豬頰車中髓調傅頂上日三四度久則自合○
又方用駟骨燒灰研末以清油調傅頭縫中

小兒諸症門

治嬰孩小兒虛秘用枳殼甘草各一錢剉散水煎服
○又方用葱白三莖右以水煎去葱入阿膠炒及
生蜜溶化食前服 千金方

治小兒自汗盜汗心血液盛亦發為汗收斂心氣用
人參去蘆當歸去蘆炒各二錢剉散豬心一箇切
三片每服二錢心一片井水同煎食後遠服一方
加黃芪蜜炙二錢 經驗方

治小兒自汗用白朮五錢小麥一撮煮乾去麥白朮
杵極細末用黃芪煎湯食前服 醫林集要

治下小兒乳汁方 栝蒌子淘洗控乾炒令香熟瓦上
搗令白色為末酒調一匕下合面卧少時

治小兒乳不止用鹹豆豉口內含去皮七粒膩粉
一錢右為研如黍米大每服三丸或五丸以藿香
葉煎湯食前服乳頭吻亦得 千金翼

治小兒吐乳取蛭蚓泥為末米飲調下 千金方

治小兒陰囊忽腫用蟬蛻五錢煎湯洗腫處 斗門方

治敷腫毒方用五倍子搗碎炒如糊糖黑黃色搗羅
細末以蜜調傳 救民易方

治小兒熱遊腫用破草鞋亂髮燒灰醋調傳上

治小兒赤遊行於身上下至心即死以伏龍肝末和

鷄子白調塗乾再易

子母秘錄

治小兒噦羊乳一升煎減半分五服牛乳亦得

外臺秘要

○又方搗生姜汁牛乳汁各五合右二味煎取五

合分為二服

千金方

治小兒羸瘦倏倏方甘草二兩炙焦研末蜜九棗豆

大每服二丸溫水下日二服

治瘦疾甘草三兩炙每旦以小便煮三四沸頓服之

良亦治小兒瘦疾

外臺秘要

治小兒瘡疾燒鷄胫中黃皮為末乳調服男雄女雌

治小兒溫瘡積熱不解取菖蒲搗煎湯浴之良

本草集要

方

治腦痛搗白芷為末吹鼻中三四次即止

斗門方

治小兒乍腮項腫痛用牛旁子荊芥穗甘草炙右咬

咀每三錢水一盞煎服

醫林集要

治小兒腮項腫硬或咽喉腫痛用鼠粘子升麻射干

咬咀每三錢水一盞煎服

千金方

治小兒客忤項強欲死麝香如豆許細研乳汁調塗

口中服之立愈

治少小客忤取釜底土蚯蚓糞等分搗合水和成餅

塗貼兒頭上及胸下良

千金方

治小兒卒客忤死炒桔梗末二錢七米飲調服

秘錄

○又方以母月經衣覆兒身上大良○又方燒母

麥帶三寸并髮合乳汁服之○又方取牛口中涎

沫乳頭上令兒含食大良

治小兒好喫黃土用乾黃土研細濃煎黃連搜為餅

與兒服

証類本草

治小兒食土取肉一斤繩繫曳地行數里勿洗以火

炙熟與兒食

証類本草

治小兒疳氣取三稜作羹粥以米麪為之每日與妳